



ᑭᓄᓐᓂᓐ Qulliit

ᓄᓇᓂᓐ ᓂᓐᓂᓐ ᓂᓐᓂᓐ

Nunavunmi Arnanut Katimayit


Nunavut Status of Women Council

Conseil Qulliit de la condition féminine du Nunavut

UKIUQ TAMAAT UNNIUDJUTI 2023-2024

Naunaitkuti Iluaniittunik

Havarijait	2
Pinahuarutait Katimajiit	3
Hivulliujuhat	4
Katimajiit ilaujut.....	5
Katimajit havaktia	5
Tuhaqtidjutit Angijuqqaamin	6
Katimajiit Hulidjutait	7
Paannariikniit aallallu hulidjutit	14
Niriungniq hivumut	15
Maniliqinikkut Titiqqat	16



Havarijait tapkuat Qulliit Nunavunmi Arnait Katimajit

Qulliit Nunavunmi Arnait Katimaujit (QNSWC) havaktauhimajut atuqhugit tapkuat Qanurinni Arnait Katimajit Maligat Nunavunmun talvani Aipuri 1, 1999. Tapkuat Katimajit havaangit hivumuutilugit aadjikiiktumik ilauningit arnat inugiangnirni akhuurutigilugulu aallanguqtirnit inugiangnirni, maligatigut maniliurnikkullu havauhiit talvunga.

Qulliit uqaudjjut Katimajiit arnat tapkua ikajuqtut aallanguqtirnirmun ajuqhautinun hulaqutijut arnanun, iliharnirmun, aanniaqtailinirmun, maligaliqinirmun, maniliurnirmun pivalladjutit, iglutigut, havaaghanun, hivuliqhurnirmun pitquhirmunlu.

Akhuuqhajavut arnat arnarutit ukualu qanuriniit-aallangajut Nunavunmiut hakugingnikkut hivulliuqtiulutik, nagliguhuutikkut akhuuqhajiit, ikajuqatigiikhutik nunallaamingniklu. Havaktavut qajangnaittumik uqautigijaanginni ajuqhautit hulaqutigijait arnat Nunavunmi, atuqhugit tapkua nipiit ikajuutigiblugit ihuaqhariangini atugakhat maligallu tapkua hulaqutigijavut.



Pinahuarutait Katimajiit

Pinahuarutait Katimajiit imaatun:

- Tuhaqtillugu Minista Munaqhijug hapkuninga Arnait Qanurilinganinginnut hivulliutijaujukhanun ihumagijaujunun ihumagijaghat;
- Ihivriuqlugin atugakhat maligallu hulaqutijun arnanun unniudjutigilugillu nalvaaqhimajun pidjutit kavamatkunni havagviinnun pivigijaujunulluunniit;
- Akhuuqhalugit angmaumajumik uqautigilugit ihumagijaujun qanurinniitigut arnat Nunavunmi;
- Ikajuqlugu Minista akhuuqhailuni aallanguqtirnirmun pijaangini aajjikiingniqarutinun arnanun;
- Havaklugit inungnun ilittuqhaidjutit ihumagijaujun tapkua hulaqutivaktun arnanun;
- Akhuurutigilugit aallanguqtirnirit idjuhiinun nunallaani taimaali arnat quviahugianginni aajjikiiktumik uuktuqvikhanun; imaalu
- Ikajuqlugit havagviit katimajullu tikinnahuaqtait akhuuqhaidjutitqaqtut aajjikiingniqarnirnun arnanun.

Qulliit Uppirijait

Hapkuat uppirijait hivulliuqtaatigun havaaptingni:



IKAJUUTIQAQTUT



PITTAALIRNIQ



AAJJIKIKTUMIK



ANGIRUMINAQTUT



HAVAQATIGIIGUTIKKUT



PITTIARNIKKUT

Hivulliujukhat

Qaujihimaniq pittialirnirnilu arnaunikkut-angutaunikkut-tunnganiqarnikkut uvanilu aippariiktuni ningarniinnik: Akhuurutigilugu ningarniqangittumik nunaptingni. Una ilalik havaqatigilugit paannarijaujun piliuriami aallanguqtirnirnik idjuhiinni ningarnirnun arnanun, akhuuqhailugillu ikajuutikhanik aanniqtauhimagjunun.

Pipkainiani aajjikiingniqarutit: Akhuuqhailuni inungnun qaujihimadjutikhanik uvani aajjikiingniqarutit hunaujuq qanuqtullu pipkaijaami tamainni inuuhptingni ilagit aajjikiingniqarnikkut tamainnun. Akhuuqhailugin aajjikiingniqarnikkut uuktuqvikhanun, akiliuhaikhanun, arnait aanniaqtailidjutainnun, pijaarnirnun iliharnirnun ihuaqhaidjutikhanullu.

Pittaalirniinnun nunallaat inulramiillu: Pihimalugu uvalu ikajuqlugit hivulluurutit angiklivallidjutillu arnanun, arnaruhinun ukunungalu qanuriniit-aallangajut inungni Nunavunmi.

Pitquhiq: Quviahuutigilugu akhuurutigilugulu aallangajuq aalakiiktullu pitquhiit tamaita Nunavunmiun arnat. Akhuurutigilugit pitquhikkut kangiqhipkaidjutit nutaanun haaniktitaujut aviktuqhimajumi.

Havaklugit qajangnaitumik inighat angmaumajumiklu uqautigijaujut: Akhuurutigilugit aallanguqtirutit amigaittukkut havagutikhakkut, quviahuutigilugit hakugingniit, uqautigilugit ihumagijaujun nakuujumiklu iniqtirutiit akhuurutigilugulu aallanguqtirniq.



Katimajiit ilaujut

ATIA	HAVAANGA	NUNALLAAQ
Amber Aglukark	Angirjuqqaq	Iqaluit
Clara Evalik	Tugliuq Angijuqqaamun	Iqaluktuuttiaq <i>(talvunga Nuvaipa 29, 2023)</i>
Jukipa Kotierk	Tugliuq Angijuqqaamun	Iqaluit
Ruth Kaviok	Tugliuq Angijuqqaamun	Arviat
Joan Kalaserk	Katimaji	Kangiqliniq <i>(talvunga Aakassi 24, 2023)</i>
Laureen Caskey	Katimaji	Arviat
Geela Maniapik	Katimaji	Pangnirtung
Katie May Anawak-Dunford	Katimaji	Iqaluit
Clarissa Koblogina	Katimaji	Iqaluktuuttiaq <i>(tikkuqtaujuq Aktuupa 13, 2023)</i>
Joanne Taptuna	Katimaji	Kugluktuk <i>(tikkuqtaujuq Aktuupa 13, 2023)</i>

Katimajit havaktia

Cate Macleod

Atanguaq Aulapkaiji (Saptaiba 2022-Ublumimun)

Angela Petru

Havaakhanun Titiqqijiji (Saptaiba 2022-Mai 2024)

Tuhaqtidjutit

Angijuqqaamin

Havangnaqpiatuq uumani ukiumi, Katimajivullu iniqhimaliqatunlu quvianaqpiatunuk hunanik. Aippaangani turaanganiqatuq hakugikharnikkut aulapkaajinik iliurarniniklu havagutikhanik Katimajiinni, uvani tukliani ukiungani Angijuqqaanguplunga uvani Qulliit Nunavunmi Arnait Qaurilinganinginnut Katimajiinni (QNSWC), aallanguqtirniqatuq piliuriami nutaanik pinahuarutikhanik akhuuqhaijuummirutikhanik arnanun, arnaruhinun ukunungalu qanuriniit-aallangajuni inungni Nunavunmi.

Uumani ukiumi, aullaqtiqtugun havalighuta pingahuni quvianaqtuqni havaktakhani, naunaijaqtiqpiatqaa havagutait anginialu Qulliit havaktainnik. Aullaqtiqtaqqut una AUPAJAAQTUQ (RED) – Itqaumaluni (Remember), Iliharniq (Education), Havagutigilugit (Dedicate) – havaaq ihumagittiaqhutin Nunavutim Inuaqtauhimajun Tammaqhimajullu Nunaqqaqqaqtuni Arnat Arnaruihllu, ukunuuna havagutainni ilanginni Nunavutim ajuitpiaqtunin hanaujaqtiinnin. Havagutigiliqtakkut qangaraaluk-ittumik paannaqatigiigutimik piniaqhimadjutimik hivullurutikkut kavamaliqidjutikkullu ukununga Nunavunmi arnanun arnaruhinullu. Havagutigilaqtavullu uumani amigaittuni-ukiuqaqtumi hanaqidjutikhamik ikajuutikkut iliharutikkullu Nunavunmiunnun ukunani arnaunikkut-angutaunikkut-tunnganiqarnikkut ningarnikkut nunaptingni. Hapkuat havaktakhat tunnganiqatun hivullurutaani uqautainnilu Nunavunmiutanin taimainniaqtullu nakuuqpiatun hivituniqatun aturutikhat Katimajiinnun.

Takhumajugullu quvianaqpiatunuk ilauqatigiingnik nunallaani hulidjuptingni uvani Kanadami Ublungani Itqaumanirmun Hulidjutikhanullu



ukunani Ningarnirnun Arnanun, Nunarjuami Arnanun Ublungani uumanilu Aupajaaqtumik Qitaujaqarnikkut Ublungani. Ihumajunga atadjutiqaqpiarutiqaqtunun hapkununga havaanun takugaangama qanuraaluktuk pidjutiqaqtuq una nunallaamiutanun. Qujagijumajatka tamaita Nunavunmiutat ilauvaktuq ukunani pihukviptingni, hulidjuptingni, ilaudjutikkut katimadjuptingni ukunanilu tamainni turaangajaptingni uumani ukiumi.

Qulliit havaanga akhut ittuq havaqatigiigutikkut, hakugikharnikkut paannaqatigiingnikkut ukunanilu nipiqquqtuhitinikkut nipiit ukununga nakuujunun aallanguqtirninun. Tamapta aallanguqtiqtaqtugun, niriuktungalu ilaujaaqtutin havaaptingnun pimmarigharnahuarnikkut inuuhiit Nunavunmi arnanun, arnaruhinun ukunungalu qanuriniit-aallangajut inungni

Quana,



Amber Aglukark
Angijuqqaq

Katimajiit Hulidjutait

Akhuurnaqtut miitirutit

Qulliit Katimajiit miitiqatiigiikpaktut ikinikhaanun hitamaiqtuqhutik atauhirmi ukiumi, ihumaliuriami kituni hivulliutijaujukhat qanurittukhallu, hivunikhaliurutiplugin havaktaujukhat, tuniplunik akhuurnaqtunik nutaanik-ilitturipkaidjutinik angiqhugillu maniliqidjutit ukuallu iharianaqtun hivulliurutikhat. Piliugaluq atauhirmik takudjutilutik miitirutinik atauhirmi ukiumi, kihimi ihuaqhainikkut Katimajiit havakpiarutainnik 2023-24mi pipkangitaa taimaatun.

Katimajiit havaktiillu ilaujaaqtullu qaffiujuni havagutikkut ukunanilu naliinni-havagviujuni katimajiinni pidjutilgit Quliit havagutaani uquallu paannarijait tamainni kituni qaliriiktuni kavamatkunni, nunallaani kavamagijaujuni ukuallu maniliurniaqhimangittu katimajiit.

Uumani maniliqnikkut ukuingani, Katimajiit pipkaijullu nunaptingni-tamaat qaritaujakkuurutikkut katimadjutinik uvanilu takudjutipltutik katimadjutinik Iqaluktuuttiami ilaupluni havagutimingni ukunani arnaunikkut-angutaunikkut-tunnganiqaqtukkut ningarutinik.



Katimaqatigivakhimajait Iqaluktuuttiami Amber Aglukark, Clarissa Koblogina unalu Cate Macleod



Iliharutinik ikajuutiniklu ilitturipkaid-jutikhat uvani arnaunikkut-angutaunikkut-tunnganiqaqtukkut ningarutinik (GBV)

Umani ukiumi, QNSWC aittuqtaujuq avatquhimajumik \$1 million-mik uvani hitamanik-ukiuqaqtumik hivitunianik ukununga Arnanun ukunanilu Arnanun-Angutinun Aajjikkiigutiqarnikkut Kanada qaujiharianginni, piliurlutik tunilutiklu uumunga Nunavunmun-turaangajuq iliharutit ikajuutilu ilitturipkaidjutikhamik uvani arnaunikkut-angutaunikkut-tunnganiqaqtukkut ningarutinik (GBV). Tadja pivikhaujuq amigaiqtiqlugi nunallaani-tunnganiqaqtun uqaqatigiit Nunavunmiutanun mighaagun ilagiiktuni uumanilu GBV (arnaunikkut-angutaunikkut-tunnganiqaqtukkut ningarutinik) hunaungmata, qanuqtullu ilitarijaami GBV hulijaarutikkullu kiudjutikkut ningarnirnun aihimaviptingni nunallaaptingnilu.

Uvani huvilliqaami umani piniaqhimadjutimi, Qulliit turaangajun katitirutikkut ilitturipkaidjutinik ukuningalu ilitturipkaidjutinik ihumagidjutiniklu ukununga Nunavunmin huvilliqaangujunin havaktiinnin tamainni pidjutainni GBVkut pittailinikkut kiudjutikkullu, uvuunalu takudjutikkut nunallaami ilauplunuk katimajun Iqaluktuuttiami. Hivulliqaap ukiungani hulidjutait atuqniaqtait hapkuat naunaijaqpiaqhimajun ilitturipkaidjutit ikajuriami piliurninganik tuhaumapkaidjutikkut hanaqidjutikhamik huvilliurianganik tamaat havaktaujukhaq.

Nunavunmi Arnani Arnaruhinilu Hivulliurutait unalu Kavamaliqidjutihanullu Havaktakhaq

Qitqani-2023mi, Qulliit munariliqtaa una Nunavunmi Arnani Arnaruhinilu Hivulliurutikkut Kavamaliqidjutikkullu Havaktakhami uumanga Nunavut Kavamanganin Ilulirijitkunnin Havagvianin. Una hivituniqaqtuq havaktakha maniliqtuutihimajuq uumang Arnani ukuallu Arnani-Angutini Aajjikkiingnikkut Kanadami (Women and Gender Equality Canada), havagutigijaungitpaktuq pidjutaanin COVID-19 qalagjuarnirnun munarjuami.

Ataani Qulliit hivulliurutaanin, havaktakhaup turaangania aallanguqtuq mikijumik, pilluarutiqarhuni piliuriami qaffiujunik iliharutikkut piksasuunik ilaqarlunilu ikajuutikhanik tautuktipkarhugin ajuittun ilihimajaujullu Nunavunmin arnanik, uqautigijait ajuiqhimajatik iliharutillu ajuiqtaminingnik taapkunani arnani kavamaliqidjutini, hanaujarutini, maniliungittuni, kavamaliqidjutini, atadjutinilu pitquhinun ukunanilu Inuit Inuuqatigiingnikkut Uppiridjutainnun.


Pilluarutaa umani havaktakhami piliuriamik pidjutikhamik angiklihautiujunik nipinginnik Nunavunmi arnanun, pikhaqaqtillugit inikhamik uqautigijaami unipkaamingnik, ihumagijamingnik, tautukhimajamingniklu. Nipaitigut, pijugun tautukhimajainnik ajuqhautinun atuqpakhimajainnun inirutihimajait, aallaniklu iniqtauhimait, qanuriliurutaillu pidjutainnik pijumajamingnik.

Piksasuukhat piliuqtauliqtun tunijauniaqtullu tamaani 2025mi.

Nunavut aulahimmaaqtuq piqaqhuni qulvahitqijaujumik aktilaanganik uvani arnaunikkut-angutaunikkut-tunnganiqaqtukkut ningarutinik unniqtauhimajun arnanin Kanadami.

Nunaqaqqaahimajun arnat pidjutilgit imaatun 16%mik tamainni arnani ihuaqtauhimajuni, imaalu 11%mik tammaqtauhimajunin arnarnik, kihimi Nunaqaqqaagtun inuit pidjutilgit imaanginnaq 4.3%mik inugianganirnun Kanadami.

Kanadami, atuqtauraanginnarnirmi aktilaatigun inuaqtaunirnik ilaujunik Nunaqaqqaahimajuni arnani aanniqtauhijajuni ittuq hitamanik amigaitqijaunirnun taapkununga ilaujunun nunaqaqqaahimaittunun arnanun aanniqtauhijajunin. Taamna akitilaanga qulvahitqijaujuqlu Nunavunmi.





Kanadami Ublunga Qaujihimanirnun Tammaqhimajuni Inuaqtauhimajuni Nunaqaqqaaqtuni Arnani Arnaruhinilu (MMIWG) ilihimajaujuqlu imaa Aupajaaqtuq Qitaujaq Ublunga:

Uumunga Aupajaaqtuq Qitaujaq Ublunganun Mai 5, 2023mi, Qulliit pipkaijun nunallaami pihuknirmik itqaumaplugin Nunavutim tammaqhimajun inuaqtauhimajullu Nunaqaqqaaqhimajuni arnat arnaruhiillu paannariiqatigiplugu Agvik YWCA unalu Pauktuutit Inuit Arnait Kanadami. Qulliit niutipkaqtaalu naunaitkuti itqaumadjutikkut taapkuninga arnanik arnaruhiniklu, ukunaniklu nauttianik itqaumadjutikhat inuuhinnik nappatiinniklu tamaat ukiumi.

Aupajaaqtuq Qitaujaq Ublunga 2023 niutirutaujuqlu Qulliit AUPAJAAQTUQ (RED) – Itqaumaluni (Remember), Iliharniq (Education), Havagutigilugit (Dedicate) – havaktakhaq. Pinaqhimadjuti turaangajuq itqaumadjutaani, mamiharnirnu pittaalinirnullu ukunani Inuaqtauhimajuni Tammaqtauhimajuni Nunaqaqqaaqhimajuni Arnani Arnaruhinilu (MMIWG) talvuuna aallangajukkut tautuutainni Nunanavunmi hanaujaqtini.

Turaangania piliurumanianik tahamaniiraaqpaktukhanik amigailiqtullu katitiqhimajun havakhimajait Nunavunmi, tautuktipkaijukhat tamarmik qaritaujakkuuritikkut upaktauvaqtunilu inikhainni. Taimailuqhutik, QNSWC pinaqhimajun piliuriamingni qajangnaittunik inikhanik qaujihimadjutikhanun, uqaqatigiigutikhanun, mamariharutikhanullu, huli pittaalirutainnullu Nunavutim anrnait, arnaruhiit ukuallu 2SLGBTQIA+ inuit unniriamingni aippamingnin ukuningalu arnaunaikkut-angutaunikkut-tunnganiqaqtun ningarnirnik. Una taimaittuq ukiumik-takilitaalik pinaqhimadjuti, ilangit niupkaqtauniaqtun 2024mi.

“Ulubmi Aupajaaqtuq Qitaujaq Ublunga – havaktaujuq ubluq itqaumajaami Tammaqhimajun Inuaqtauhimajun Inuinnait aniqativut. Quvianaittukkut, amigaittun uvaptingnun, ubluq tamaat itqaumania inuuhivut qajangnatqijaujun aallanin arnanin arnaruhinullu Kanadami.

Amigaitpallaaqtun arnat aniqativun ajuqhaqtaitaujun ningarnirnin. Ihariagijavun hulidjutit, ihariagijavun ikajurutit, ihariagijavun una nutqarutaanun. Inuuhivut aannirnaqtun. Hakugitqijaujugun atauttikkut, aulahimmaqtukhaugugullu havakluta, nipiqquqtuhiluta niriuklutalu.

Ilihimajugun ihuaqhaidjutit mamiharutillu Nunavunmi pijukhat Inuinnarnin-hivulliuqtaulutik, Inuinnarnun. Pitquhivun, uppirijavun, ingilraangnitavun, uqauhivun, qaujihimajavunllu hivulliuqkhaq akunnganillunilu havaktilluta mamaharnirnun nutqaqtirlugulu ningarniit Nunaqaqqaaqtuni arnarnun, arnaruhinun ukunanilu qanuriniit-aallangajut inungnun. Ihumagittiarniit ajuqhaqtitauphimajun uvani MMIWG ihuaqhaidjutaungittuq, kihimi Qulliit havakpiarniaqtun aallanguqtirutit pijaanginni taimaalu Nunavut qajangnaitqijauniaqtuq nunakhaq tamainnun arnanun.”

- Amber Aglukark, QNSWC Angijuqqaq





Itqaumagiplugin taapkuat tammaqtun
uvaptinun, Montrealmiinnaungittumi,
havalirlutalu pipkainirnun avatikhami talvani
ningarniit pidjutikhaittumik nauvikhaanik.
Una ilalik ilihimanikkut kiudjutikkullu
aallangajun ajurnaahidjutivaktut atuqtauju
Nunaqaqaaqtunin arnanin, taapkualluanillu
Nunavunmi Inuinnait arnanin.

Pijumanirniptingni ihuaqhaidjutikhanun
ajjikkiiigutiniklu, havakpiaqtukhaujugun
pijaarnirnik qanuriliurutinik aulapkaidjutainnik
ningarnirnik. Una pilik akiniarnirnun
aanniqtuidjutijaaqtun taimainnahugijaunirnik,
akhuuqhaqhugin angijunik ikajuutikhanun
havagutit, imaalu, akhuurnaqtijaujunik,
pipkainirnik angmaumajunik uqaqatigiingnirnun
nunallaaptingni.


Talvuuna nutqaqtirnikkut nipaingaarutait
ningarnirni, pittaaliqtipkaqtaqtavun
annakhimajun hivumuulutik qiniqhialutiklu
ikajuutikhanik ihariagijamingnik. Atauttikkut,
piliuqtaaqtagun inuqatigiingnirnik talvani
tamaita arnait niamgijaaqtaqtun
pinahuariamingnik pijumajamingnik
iqhiuqhimaittumik ningaqaunaarungnaqhinnirnin.

Nunavutim allatkiingningani, ihumagittiarutainni,
aularaanginnaqtumilu hakugingniinnik
pidjutijuq tautugutimik ihumagittiarnirnun,
ihuaqhaidjutikhanun ajjikkiiiktipkainirnun
tamainnun arnanun; uumungainnaungittumu
ublumimun, kihimi ubluq tamaat.



- Amber Aglukark, QNSWC Angijuqaaq

End violence Against WOMEN



Ihumatujug Arnaq unalu Quvianaqtug Arnaruihig Aittuutait

Una Nunavunmi Ihumatujug Arnaq unalu Quvianaqtug Arnaruihig Aittuutait tunihimajun ukiug tamaat ihumagittiaqhugin arnait tautungnaqtun quvianaqpiagtunik ikajuutinik aallanguqtirutikhakullu havagutunik, ikajuutinik, iliharnirnun hivulliurnirnnullu aallanun nunallaaptingni. Ukiug tamaat, atauttuqtaujuun tunijauvaktun naunaitkutimik, unalu Ihumatujug Arnaq tunijauvaktug qullirmik. Katimajiit tunijun quviahuutingmingnik aittuqtaujuunun niruaqtaujuunullu, qujagijailu Nunavunmiutat havagutainnik pipkainirnun nunaptingnik pijuummirutaanik aajjikiingniqrnirnun, ihuaqtumik qajangnaittumiklu inikhanik arnanun, arnaruhinun ukunungalu qanuriniit-aallangajut inungni. Uumani ukiup aittuutait tunihimajun Maatsi 8, 2024mi, hulidjutimi Maligaliurviani Nunavut.

Una 2023 Ihumatujumi Arnami aittuuti tunihimajug Geraldine Emiktoiw-mun Sallirmin unalu 2023 Quvianaqtug Arnaruihig aittuuti tunihimajug uvunga Iqalungni Teresa Qiatsuk-mun. Geraldine havakpiaqpakhimajug avatquhimajunun qulini (10) ukiuni tuniudjutikkut iliharvingmi tupautarutikhanik, nirijakhanik qitiqqukpat pinahuarutunik ukununga Sallirmi iliaqtunun. Havakpaktug pidjutinik maniliqtuutikhanik, imaalu ilaani igadjutigivaktait, 300nik iliaqtunun avalittumik. Teresa wajuitpiaqhuni Inuktitut tuhaqtipkaijiupluni uvani CBC Iqaluit, huli ihuaqhaqhugin ajuitpiaqhuni ulapqijiupluni avalittumiklu nutaqqiqiupluni.



16nik Ubluit Aallanguqtirutikhanun



Ukiug tamaat Nuvaiba 25min talvunga Tisaiba 10mun, Qulliit pitqujait Nunavunmiut tunitquplugin qanuriliurutikhanik ihumagijamingniklu qanuqtun taimaaqtidjutikhanik aippaaringni ukunanilu arnaunaikkut-angutaunikkut-tunnganiqagtun ningarnirnik. Una 16nik Ubluit Aallanguqtirutikhanun aullaqtiqtug ukiug tamaat uvani Nunarjuami Ublungani Nutqaqtirnirnun Ningarnirnun Arnanun taimaaqhunilu uvani Inungnun Pilaarutainni Ublungani.

Qanurinnia 2023mi unaujuq #NoExcuse, unalu Qulliit akhuuqhaqtait Nunavunmiut pijumaquplutik kiudjutikhanun, maniliqtuqlugik taimailiungidjutikhanun ikajuqlutiklu piliurnikkut uumunga Nunavunmik piqangittumik ningarninun arnarnun, arnaruhinun ukunanilu qanuriniit-aallangajut inungnun. Titiraustiit qanuqtun ilitarijaami ajuiami arnaunaikkut-angutaunikkut-tunnganiqagtun ningarnirnik tujuutauhimajun qaritaujakkuurutikkut, piqaqhuni aturutikhanik qanuqtullu ilaujaami. avunmiutat akhuuqhaqtaujuun atulirlugu akhuuqharlugulu inuuhinik piqangittunik ningarnirnik havaqatigiiklutiklu piijaqtirnianik. Hapkuat titiraqhimajun takujauttaagtut Qulliitkut inungnun tuhaqtidjutainnun qaritaujakkuurutaani.

Aaquanut tiituqvikhaat

Hivuagun Nunarjuami Arnani Ublunganin, Minista Nakashuk pipkaijuq tuklianik ukiuq tamaat tiutuqtipkainirmik uvani Iqalungni Inirnikhanun Qammaq ukununga nunallaami Aaquanun. Maatsi 3, 2024mi, Minista tunngahuktittait ilaujun ubluumaat ulapqidjutikhanun, nirijakhanun, unipkaanullu, huqullaarutinullu aliahuutigiplugin ilangit Iqalungni qaujihimaqpiaqtun ihumagijauttiaqhimajulu arnat.



Qulliit quviahuktun pipkaiaami uuminga hulidjutimi, akhuuqtaillu atatjutit qaujihmaniillu tuniudjutikkut Inirnikhanun, taapkuat tunijun hivulliurutikhanik, aularaanginnarutikhanik, ihiriagijaujuniklu kangiqhihimadjutinik pitquhinun, uqauhinun itquhinullu.



Nunarjuami Arnait Ublunga

Quviahuutigiplugu Nunarjuami Arnanun Ublunga Maatsi 8, 2024mi, Qulliit pipkaqatigijaa una Nunallaami Arnanun Ublunga hulidjuti uvani Iqaluit Cadet Hall ukuallu Agvik YWCA Nunavut unalu Nunavut Kavamanganin Inulirijiit Havagvia.

Hulidjuti pivaktuq piqpiaqtunik huqulaarutinik nirijakhaniklu quviahuutigijaiillu arnait nanminikhaqaqtun hanaujaqtiillu niuvaavingmi, ukuallu kavamatkut nunallaanilu havangnikkut havaktiit tahamaniittu ikajuriami arnanik, arnaruhiuk ukungalu qanuriniit-aallangajut inungni, ukuningalu pinniqaaijinik tunijukhanik inuuhirittiarnikkut havagutinik arnanun tahamaniittunun.

Amigaittun ilauvaktun hulidjutimun, Qulliit piniaqhimajuqlu angiklihaqjuummiqtirlugu havagutaa aktilaangalu uumani Niuuvaavingmi 2025mi.



Paannariikniit aallallu hulidjutit



Katimajii havaqatigijait amigaitun havagviit tamainni qanuridjutini havagutiptingni ukunani aajikkiingniqaqtuni havaktakhani, hulidjutikhanik ukunanilu pilaaqtaarungnaqhijuni pinahuarutikhanun.

2023-24mi, QNSWC turaangahimmaaqtuq paannariigutinun uvani nunallaani ikajuutikhani nutqaqtinniarhimanirnun arnaunaikkut-angutaunikkut-tunnganiqaqtun, aipparinikkut ilagiingnikkulu ningarnirnik, pijaarnikkullu ihuaqhaidjutikhanun, quviahuutigilugit akhuurutigilugillu Nunavunmi arnait, arnaruhiit ukuallu qanuriniit-aallangajut inungnun. Qulliit hakugikhaliqtait hakugiktu pidjutiqaatigiingniik uvani Nunavut Kavamangani, Pauktuutit Inuit Arnait Kanada, Agvik YWCA Katimajiiit, Amautiit Nunavut Inuit Arnait Katimavit unalu Nunavut Maligani Katimajiiit. Havaqatigiigutait ikajuutaillu ihariagijuummiqtauraanginnaqtuq tamainni qaangiutigaangata ukiut.

Niriungniq hivumut

Taimaa Qulliit hivumuudjutaini ukunani amigaittuni-ukiuqaqtuni havaktakhainni, Katimajiit qiniqtullu piliuriami amigaitqijanik ikajuutikhanik Nunavunmi arnainnun arnaruhiinnullu hapkunani maniliqinikkut ajuiqhimanirnik, iglukhaitigun, nunallaani ilaudjutainni pidjutainniklu ihuaqhaidjutikhanun. Qulliit piniaqhimaquq hakugikharlugin tahamaniittun paannaqatigiigutinun piliulunilu nutaanik pidjutiqatigiikhanun ikajuutikhat Nunavunmiunnun, pijuummiqtirlugin tahamaniittun pinahuarutit atauttikkullu havagutini.

QNSWC uppirijuq pitquhikkut, uqauhikkut itquhikkullu ihariagijaujun tamainni pidjutainni havagutiptingni. Atadjautit pitquhikkut naunaitkutainnik pijukhaq qajangnaittukkut, naujuummirutikhanun nakuujumiklu inirutikhanun arnanun Nunavunmi. Una taimaatun Nunavutim arnait, arnaruhiit ukuallu qanuriniit-aallangajut inungni pittaalirlutik, pittaarutit hakugigutillu.



Maniliqinikkut Titiqqat

**QULLIT NUNAVUT
ARNAIT QANURILINGANINGINNUT KATIMAJIIT
MANILIQINIKKUT TITIQQAT
QIQAJALIRVIA 31, 2024**

**QULLIT NUNAVUNMI ARNAIT QANURILINGANINGINNUT KATIMAJIIT
TITIQQAT ILUANIITTUN
QIQAJALIRVIA 31, 2024**

	<u>Makpirnia</u>
Atanngujat Munarijait Maniliqinirmun Uniudjutit	1
Ilikkuuqtut Ihivriuqtip Unniudjutaa	2 - 4
Maniliqinikkut Titiqqat	
Titiraqhimajun Maniliqinikkut Qanuriniit	5
Naunaitkutait Auladjutitut Katitihimajullu Avatqudjutit	6
Naunaitkutit Aallanguqtirnirmun Maniliqinikkut Piqutit	7
Titiraqhimajun Maniinnait Auladjutainni	8
Titiraqhimajun Maniliqinikkut Naunaitkutanun	9 - 10
Naunaitkutaa 1 - Havaakhat	11

ATANNGUJAT MUNARIJAIT MANILIQINIRMUN UNIUDJUTIT


Aulapkainiaq uumani Qulliit Nunavunmi Arnait Qanurilinganinginnut Katimajiit munarijuq itquumaningani ihumaliuriirhimaikkumiklu ukunani maniliqinikkut titiqqani pidjutiqaqtunilu titiraqhimajuni ilitturipkaidjutit. Maniliqinikkut titiqqat upalungaijaqhimajut malikhugit Kanadaup Kavamatkunni Havagviinni Maniliqinikkut Atuinnaqtainni imaalu, taimaatun, ilaujun ilangit akitutillaangit tunnganiqaqtuq ukunani nakuutqijaujuni nalautinniarhimadjutainni uvanilu ihumaliurutaani aulapkaidjutimi.

Taamna atuqtiniaqhugu havaarijaujukhat, munarijaujukhat havarijaat auladjutikhaagut kiinaujaliqidjutit iluanillu munarijaujunut atabluni nakuutqijaujunik ilitturipkaidjutit kiinaujaliqiniq kangiqhidjutit tuhaqtitaudjutingit munaqtijut Qulliit Nunavunmi Arnait Qanurilinganinginnut Katimajiit nakutqijaujukhaq, piqutiit munarijaujut, himmiqtuutiujut ihuaqtumik naunaiqtaujut, pijakhat munarittiaqtaujut akittujuaqhimaittumik imaalu auladjuhikhait ihuaqtumik aulaliqtut pinahuaqhugu havaakhaujut pijakhait unalu maniliqidjutit maliktait *Maniliqinirmun Auladjutikhanut Maligaq* Nunavunmi.


Hapkuat ilikkuuktukkut maniliqinirmun ihivriuqtiit, Lester Landau Ilitarijauhimajuq Ajuittuq Maningnik Amirijiit, ihivriuqhimajut naunaijaiplutik, malikhugin Kanadaup ihivriurnikkut aturutainnik, uqaqhugillu ihumagijatik maniliqinirmun kangiqhaidjutit titiraqhimajut. Hapkuat ilikkuuktukkut maniliqinirmun ihivriuqtiit tamainik ihivriurhittaaktut maniliqidjutaini munaqhidjutainni Qulliit Nunavunmi Arnait Qanurilinganinginnut Katimajiit katimaplutiklu pitqujaugaangamik.



Amber Aglukark
Angijuqqaq



Cate Macleod
Atanilluaq Tukimuaqti Havakti



Ubluqtuhinia 21, 2025

- Pilugit kangiqhimadjutit iluani munaridjutit ihuaqtut ihivriurutini havagiangini ihivriungnikkut havauhiit tapkua ihuaqtut qanuriniitigut, kihimi pidjutaungit utqautigilugit ihumagijaujut ihuangnighainun hapkua Katimajiit iluani munarijatik.
- Qaujihaivakhugit ihuaqniita maniliqinirmut maligakhaliuqhimajut atuqtaujut naamaniillu maniliqinirmut nalauttaaqhimajut ilittuqhitiillu atanngujanitait.
- Iniqtirlugit ihuangniitigut atan'ngujap atungnirit ihumaaluutikkut pihimajut manilqutit uvalu, pihimajut ihivriungnikkut naunaijaqhimajut, hunat nalujaujut atuqtaujut ilaujut hulidjutit qanuriniit tajkua anginirharmik ihumaaluutauniaqtut katimajiit pijaangnirit aulahimaaqlutik aulajut ihumaaluutikkut. Ihumagigupta hunavaluk nalunarninnga ittuq, naunaipkaqtukhaujugut uumani maniliqinirmut ihivriuqtiptingnun unniudjutaanun pidjutiaqtunun uqaqatauhimajuni uvani maniliqinirmut titiqqainni taimaaluunniin, taimaittun uqautit naammangitpata, iharhaqtavun ihumagidjutivun. Iniktiqtirutivun pidjatauhimajut manilnirmut ihivriurnirmi naunaittun pihimajun talvunga ublunganun uumani maniliqinirmun ihivriuqtiup unniudjutaani. Kihimi, hivun'ngani hulidjutit qanuriniilu pidjutiginiaqtaat Katimajiit nutqaqtilugit aulahimaaliqlutik aulajumik ihumaaluutikkut..
- Ihivriuqlugit tamaita takupkaidjutighat, havauhiit iluaniitullu maniliqinikkut naunaitkutit, ilaujut uqautiginirit, maniliqinikkut naunaitkutit pidjutiaqtut auladjutainun nuutirutit hulidjutillu ihuangnikkut tautuktinirit.

Uqaqatigivaktavun taapkuat munarijaujukhat ataniqtuidjutikkut mikhaagun, ilaujun aallanilu ihumagijaujuni, una upalungaijarhimajuq qanuriliurutikhaq ublukhaillu ihivriurhinirmi ukuallu angijun ihivriurhinirmin ilitturijauhimajun, ilaujullu qujaginnaq angijun angummadjutiqangittun uvani iluani amirinirni naunaiqtihimajavun ihivriurutiptikni.

Piviqhaqaqtitpaktavutlu titiqqamik tahapkunanut munarijaqaqtut kavamaliqidjutinut maniliqinirmun titiqqainnik iniqhimajaptingnik ihuaqtunik piviqhaitigunlu ihumagiplugu ilikkuungnik, tuhaqtipkainikkutlu tamainnut ilaudjutilgit aadlaniklu ihumagijaujut ihumagijaqhapingnik ilikkuungnitigut, humilu piviqhaqaqqat, pidjutilgit amirnaijautaitikkut.

Uniudjutit Aallani Maligakkut Maliktakhakkullu Pitqujauhimajuni

Pitqujauhimajumut uumanga *Maniliqinirmut Auladjutikhainut Maligaq* Nunavunmi unnirtugut taimaa, ihumagijaptingnut, Kanatamiutanut Kavamatkuni Havagviinnut Maniliqinikkut Atuqtakhainut atuqtaujut pijakhanut kingulliani ukiungani.

Tuhaqhitjutigivaliqtavut malikhugit tapkuat *Maniliqinirmut Auladjutikhainut Maligaq* Nunavunmi pijut, ihumagijaptingni, naamaktut makpigat manilqutit pihimajaujuttapkunanga Katimajinit, tapkuat kiinaujaliquitit tuhagakhaliat angiqatigiktut tapkunani tapkuatlu atuqtaujut naunaiqtavut pihimajut, tamainnut angipjaktunut piplugit, pijauhimajut maligaqtigut hakugingnigut tapkuat Katimajit.



Iqaluit, Nunavut
Ubluqtuhinia 21, 2025


Ilitarijauhimajuq Ajuittuq Maningnik Amirijiit
Lester Landau Accounting Professional Corp.


QULLIIT NUNAVUNMI ARNAIT QANURILINGANINGINNUT KATIMAJIIT
TITIRAUTAIT MANIKKUT QANURININGANIK
TALVANGA QIQAIJALIRVIA 31, 2024

	<u>2024</u>	<u>2023</u>
Maniliqidjutinut Piqutit		
Maniinnait aadjikkutaitlu maniinnarnut	\$ 311,069	\$ 214,593
Maniliurutikhanun Naunaitkutit (Titiraqhimajuq 3)	35,000	-
GST utiqtakhat	23,586	12,616
Atukkat akiliqtaujukhat	<u>27,500</u>	<u>-</u>
	<u>397,155</u>	<u>227,209</u>
Maniliqinirmut Akiliktakhat		
Atukkat akiligakhat uvalu katitiqhimajut akiligakhat	351,669	148,536
Kavamatkunnin akiliqtuidjutikkut akilirialiit	3,594	6,268
Aittuutikhat akiliktauffaaqtukhat	68,919	68,919
Kinguagut ikajuutikhat (Titiraqhimajuq 4)	<u>45,346</u>	<u>-</u>
	<u>469,528</u>	<u>223,723</u>
Atauttimun Maniliqinikkut Piqutit (Atugaq)	<u>(72,373)</u>	<u>3,486</u>
Maniliqutaungittut Piqutit		
Akiliriiqhimajut akiliqtukhat	<u>7,721</u>	<u>6,339</u>
Katitiqhimajut Ilakungit (Atugaq)	<u>\$ (64,652)</u>	<u>\$ 9,825</u>

Havaktauniaqtun (Titiraqhimajuq 6)

Angiqtauhimajut pidjutigiplugin Hamlatkut Katimajiit:

 _____ Katimajiujug

 _____ Katimajiujug

**QULLIIT NUNAVUNMI ARNAIT QANURILINGANINGINNUT KATIMAJIIT
NAUNAITKUTAIT AULADJUTINUT KATITIQHIMAJULLU AVATQUDJUTIT
UKIUNGANI NUNGUNIANI QIQAJALIRVIA 31, 2024**

	Maniit Ukiungatig un Atuqtakhat Atulluaqtut Atulluaqtut <u>2024</u> <u>2024</u> <u>2023</u> (Ihivriuqhiq tauhimangi ttun)		
Maniliurutikhat			
Nunavut Kavamanga - Inulirijitkut			
Maniliqtuilluarutikhat	\$ 445,424	\$ 445,424	\$ 370,000
Aallat maniliqtuidjutait	-	277,525	-
	445,424	722,949	370,000
Aallat maniliurutit	-	2,666	-
	445,424	725,615	370,000
Akiliqtaujut			
Tuhaqtidjutit uvalu akhuurutit	6,000	17,220	1,656
Katimajiit katimadjutimut akiliuhianga	22,500	10,903	24,175
Qullangnaujautit	-	2,585	1,921
Avatqudjutit maniqarviuplu akiliqtitait	420	2,142	2,988
Havagvingmi auladjutikhanullu	4,920	7,230	13,747
Havagvingmi tamajat	-	-	29,318
Ajuittiaqhimagjunun akiligakhat	33,000	88,407	23,538
Pinahuarutit atuqtakhat tamajallu	13,500	35,326	7,970
Havaakhanut akiliqtakhat	-	244,047	-
Iglumik Atuqtaminik Akikhaa	33,830	31,179	28,075
Manikhauhit maniktakhatlu	264,954	315,674	180,144
Tuhaqtidjutikhanun	11,400	10,139	8,430
Numiktiridjutikhanut atutakhanullu akiliutikhat	2,400	1,350	15,778
Tingmidjutit	52,500	33,890	37,210
	445,424	800,092	374,950
Avatquhimadjutaa Akiliktakhanun uumanga			
Maniliurutit	-	(74,477)	(4,950)
Katitiqhimajut Avatqutjutit, angmarutit	9,825	9,825	14,775
Katitiqhimajut Ilakungit (Atugaq), umiktirutaa	\$ 9,825	\$ (64,652)	\$ 9,825

**QULLIIT NUNAVUNMI ARNAIT QANURILINGANINGINNUT KATIMAJIIT
NAUNAITKUTIT AALLAN'NGUQTIRNIRNIK AVALIQTAUHIMAJUNI MANILIQINIKKUT
PIQUTINGIT**

UKIUNGANI NUNGUNIANI QIQAJALIRVIA 31, 2024

	Maniit Ukiungatig un Atuqtakhat <u>2024</u> (Ihivriughiq tauhimangi ttun)			Atulluaqtut <u>2024</u>	Atulluaqtut <u>2023</u>
Avatquhimadjutaa Akiliktakhanun uumanga Maniliurutit	\$	(74,477)	\$	(74,477)	\$ (4,950)
Akiturjuumijut akiliriqhimajut akiligahat		-		(1,382)	(4,339)
Akikhijuumiqtut maniliqinikkut piqutit		(74,477)		(75,859)	(9,289)
Avaliiqhimajut Maniliqinikkut Piqutit, angmarutit		3,486		3,486	12,775
Atauttimun Maniliqinikkut Piqutit (Atugaq), umiktirutaa	\$	(70,991)	\$	(72,373)	\$ 3,486

**QULLIIT NUNAVUNMI ARNAIT QANURILINGANINGINNUT KATIMAJIIT
NAUNAITKUTAIT MANIINNAIT AULADJUTAIT**

UKIUNGANI NUNGUNIANI QIQAJALIRVIA 31, 2024

	<u>2024</u>	<u>2023</u>
Aulapkaidjutit Hulidjutait		
Avatquhimadjutaa Akiliktakhanun uumanga Maniliurutit	\$ (74,477)	\$ (4,950)
Kiinaujaq tunijaujut ukunangga (atuqtaujuq uumunnga)		
aallangurniq maniungittuni havagutikkut maniutini:		
GST utiqtakhat	(10,970)	(4,507)
Atukkat akiliqtaujuqkhat	(27,500)	-
Akiliriqhimajut akiliqtukhat	(1,382)	(4,339)
Atukkat akiligakhat uvalu katitiqhimajut akiligakhat	203,133	109,210
Kavamatkunnin akiliqtuidjutikkut akilirialiit	(2,674)	(32,149)
Kinguagut ikajuutikhat	45,346	-
Maniliurutit auladjutinin	131,476	63,265
Maniliurnikkut Hulidjutit		
Maniliurutikhat - niuviqhimajun	(35,000)	-
Maniit atuqtauhimajut nanminingmingnit hulilukarutainut	(35,000)	-
Angiklijuummiiqhimajut maniit maniniklu Aadjikutainni	96,476	63,265
Maniit maniniklu madjikutainni, angmaqirutait	214,593	151,328
Maniit maningnullu aadjikutainni, umiktirutaa	\$ 311,069	\$ 214,593

QULLIIT NUNAVUNMI ARNAIT QANURILINGANINGINNUT KATIMAJIIT
TITIRAQHIMAJUN MANILIQINIKKUT TITIQQAINNUN
UKIUNGANI NUNGUNIANI QIQAIJALIRVIA 31, 2024

1. QANURINNIA KATIMAJIIT

Qulliit Nunavut Qanugitni Aqnait Katimajit pinguqtauhimajut ataani tapkuat *Qulliit Nunavut Qanugitni Aqnait Katimajit Maligait* Nunavunmi talvani Qitiqqautijut 1, 1999, ihuaqhigiaqtat Qiqaijalirvia 22, 2005, pigiaqhutiklu auladjutit uvani Qitiqqautijut 1, 2001 tamnauplutik *Atugakhaliat A Inungnut Havaktit* naunaiqtauplutik tapkununga *Maniliqinikut Titiqqinikkut Maligaa*. Tapkuat Katimajit pijalgit maligiangi tapkununga Kavamatkut Nunavut *Kiinaujaliqutit Auladjutit Maligaa* tapkuatlu *Kiinaujaliqutit Auladjutit Makpiraat*. Pidjutighaa hapkua Katimajit hivumuuqtilugu tiknahuarutit aadjikiiktumik ilauqatigiingnikkut arnat inugiangnirni aghuurutigilugulu aalanguqtirniq inungni, maligaliqinikkut maniliurnikullu havauhiit nungunianun.

2. ANGIJUT KITITIRINIRMUN ATUGAQHAT

Tamna kiinaujaliqinirmut maligangit maliktait Katimajiinit malikhugu uumunnga Kanadami kavamaliqinirmut maniliqinirmut naunaitkutangit ilaliutijuqlu uuktuutinga Kavamatkunni Havakvingit Maliktakhangit Titiraqhimaninngani PS 4200 - PS 4270 piinnarialik Kavamatkunnut Maniliungittuni Timiqutunun. Hapkuat naittut ukunani angijuni maniliqinikkut atuqtakhani:

(a) Atuqni Mikhauttaqnit

Upalungaijaiiniq maniliqinikkut naunaitkutait malikhugit ukua Kanatami kavamatkut maniliqinikkut atugahat pijariaqatait atan'ngujap itqungniarlugit ihumagijaiillu tapkua hulaqutait uniudjutit qaffitaalauniit piqutit akiligahallu, uqautiginirit piqutit akiligahallu ubluanin maniliqinikkut naunaitkutini ukualu uniudjutaujut qaffitaalauniit maniliurutit akiliqtuqtaujuullu atuqtilugu tamna ukiuq. Angijut tamajat pidjutiaqtut itqungniarnirmun ihumaliurutinunlu ilaujut akiit atukkat akiligahat. Qanuriliurutilluangit aallanguqtaaqut tahapkuninnga itqurnarutaujunit.

(b) Maniliqitjutit

Tapkuat Katimajit hivulliqmik uuktugaqtai kiinaujaliqutiktik piqutit tapkuatlu kiinaujaliqutiktik atugait naamaktumik akitunikhainik. Tutquumavik tadjattaug naunaijaqpaktait maniliqinikkut piqutingit maniliqinikkullu akiliqtaghatik uvuuna akiliqtuqattaraanginnarlugu akinga, hapkuangungittut kihimi aallat maniliqinikkut hunaujut ukualu maniliqinikkut akiliqtuijuttiffaarutighat uqaqtauhimajut piujumi maniliqidjutini, taapkuat naunaijaqtauvaktut ihuaqtukkut akitutilaatigut.

Maniliqinikkut piqutit aktilaaqtaujut akiliqhimajutigut akiitigut akiit ilaujut maniinaut maniilu aadjikutait, hivitunigaqtuq maningnik iluqhaidjun, unalu atukallu akiligahat. Maniliqinikkut akiligahat aktilaaqtaujut akiliriqhimajut akiit ilaujut atukkat akiligahat uvalu angiklijuumiqhimajut akiligahat, kavamatkut tujuutikkut akiligahat, uvalu ikajuutit akiligahat.

Atangujap uqautigijait tapkua aktimajit akturutiqangitut angijumik ihumagijainik, mangit atukkatigut qajangnautit pidjutaujut hapkununga maniliqinikkut halnarutini kihimi ilituripkaqtaukpat.

(c) Kiinautaqtat Ilittugini

Tapkuat hanivaqhimajut pidjuhit kiinaujaqtat ilittugini maliktaujut. Maligaqaqtut ikajuutit ilitarijaujut maniliurutit ukiumi kitut ilaujut akiligahat atuqtaujut. Kikliqangitut ikajuutit ilitarijaujut ukiungani tunijaujut akiliqtaujut qaffitaalauniit tunijaujughat itqungniaqtaujaaqut tunijaunirillu tutqighutik.

**QULLIIT NUNAVUNMI ARNAIT QANURILINGANINGINNUT KATIMAJIIT
TITIRAQHIMAJUN MANILIQINIKKUT TITIQQAINNUN
UKIUNGANI NUNGUNIANI QIQAJALIRVIA 31, 2024**

2. ANGIJUT MANILIQINIKKUT ATUGAKHAT (aulahimmaaqtuq)

(d) Maningnik Maniinniklu Aajikutainnik

Maniinnait maniillu aadjikkutait pilgit maniqarvingni tutquumaviani tamainni atuqhimaittunik manikhanik ukuallu naittumik hivituni maninguhainnaqtaaqutuni maniliurutini ajurnaittun maninguqtittaami. Naittumik hivitunik maniliurutit titiraqtauhimajun akitqijaujumi akingani uvanilluunnit niuvvaaniup akitutilaangani.

(e) Akitujut piqutit

Akitujut piqutin naunaiqtaujut akingatigun. Akikhaanin hivituniatigun aturniaqtamun akiklivalladjutaa pivaktait ukiungitigun akikhaitigun ihuaqhaqhimajunik pijailiraangamik piqutinik hivituniatigun naunairnahugittamingnun aturniaqtamun hunanik.

(f) Akiliqtuutinun Nuutiqnirit

Akiligakhat taimaittun ihuaqhijakhat manikhautilluaqhainun havaakhamulluuniin akiliqtaujun taaffumunga ihuaqtumun manikhainun havaakhamulluuniin. Akiligakhat ihuaqhijukhat amigaitqijaanun atauhirmin manikhanun havaakhamulluuniin ihuaqhivaktait pivlugu pusatngatigun atuqhutik akiliutikhamun ihuarijaanun atan'ngujat.

(g) Tunidjutit Hunat Kivgaqtuutillu

Akiitumik ikajuqtut amigaitunik qaffiuniit ikaarniit hapkununga Katimajiinun havakhugit kivgaqtungnikkut tunihblutik hulidjutinik. Pidjutigiblugit ajungnaqtut ihumaliuriangini inmi ihuangnikkut akiit, ikajuutait tamajanun kivgaqtuutinunlu ilitarijaungitut maniliqinikkut naunaitkutini.

3. MANILIURUTIKHAT

Itquumajut Manikhaakhanut Ikajuutait piqaqtuq akiligakhamik taimaa 5.25 pusat atauhirmun ukiunganun hivitunia iniqtiqhugu talvani Apitilirvia 13, 2024.

4. AKILIQTAUJARIIQHIMAJUT MANILIURUTIT

	<u>2024</u>	<u>2023</u>
Nunavut Kavamanga - Inulirijitkut	\$ <u>45,346</u>	\$ <u>0</u>

**QULLIIT NUNAVUNMI ARNAIT QANURILINGANINGINNUT KATIMAJIIT
TITIRAQHIMAJUN MANILIQINIKKUT TITIQQAINNUN
UKIUNGANI NUNGUNIANI QIQAJALIRVIA 31, 2024**

5. MANILIURNIRMUN PIDJUTIKHAIT

Katimajiit tunijuajut amigaitunik maniliqtuijunik Kavamatkunin Nunavunmin. Ikajuqtaungitkumik aulahimaaqtumik ikajuutunik Kavamatkut, katimajiit aulalimaitut auladjutit.

6. PINAUHAQPIAQTAT

Tapkuat Katimajit pijalgit atuqtuaqninut aapisi inikhaq tamna \$30,480 tamnalu taxsijautit atauhiq ukiungani tikitlugu Qiqajalirvia 31, 2028.

Katimajiit pidjutilgit nutaanguqtirutaanik aturutaami uvani pingahunik uiguliriiktunik hivitunirnik ukunani tallimanik ukiunik ataurhimi hivitunirmi pipluni hivulliqpaq qanuriliurutikhaq atuliqtumik Qitiqqautijuq 1, 2023. Ukiuq tamaat aturutaani akiliqtuidjutit pilik naunaijarutimun tamainni nutaanguqtirutini hivitunirni. Aturutaani akiliqtuidjuti nutaanguqtirutini hivitunirni piniaqtuq tadjak akiliqtuinikkut aturutini akitutulaangani talvani aadjikkiingniqaqtuni inikhami talvani ublungani nutaanguqtirutimi.

**7. MANILIQIDJUTAUVAKTUT UNALU AJUQHAUTIQAQQATA
IHUAQHAI DJUTIKHAT**

Mangit Qajangnautait qajangnautit tapkua Katimajiit atungniaqtut ajungnangnirmik pidjutit pijakhanun ilaujut inmingnun maniqlinikkut akiligahanun tapkua akiliqtuqtaujut maniinakut uvaluuniin aallat maniliqinikkut piqutit. Katimajiit ihuaqhivaktait ajungnautauniarungnaqhijunun naunaiqhihimavlutik qakugu akiliqtaujujkanun munarihimavlugillu ihuaqtun manikhaqarvikhat.

8. AADJIKKIINGNIQARUTIKKUT AKITUTILAANGIT

Ilangit 2023 maniliqinikkut titiqqat akitutulaangit naunaijaqtauffaaqtauhimajun aajjikkiigianginnik ukununga maniliqinikkut titiqqamun takupkaqtauhimajumun pihimajun uvani atuliqtumi ukiumi.

NAUNAITKUTINGA 1

QULLIIT NUNAVUNMI ARNAIT QANURILINGANINGINNUT KATIMAJIIT
HAVAAKHAT
UKIUNGANI NUNGUNIANI QIQAJALIRVIA 31, 2024

	<u>Hivuliqtidjutikha</u> <u>nut</u> <u>Kavamaliqidjutikh</u>			
	<u>GN-kut</u>	<u>anullu</u>	<u>Ningahuinnautit</u>	
	<u>Atulluaqtakhait</u>	<u>Katimavinga</u>	<u>Ikiklijuumijun</u>	<u>Atauttimut</u>
Maniliurutikhat				
Nunavut Kavamanga -				
Inulirijitkut	\$ 445,424	\$ 27,525	\$ 250,000	722,949
Manikhaakhautinut talvunga				
akikhait	2,500	-	-	2,500
Ilanga akiliqtakhat				
maniliurutikhat	166	-	-	166
	<u>448,090</u>	<u>27,525</u>	<u>250,000</u>	<u>725,615</u>
Akiliqtakhat				
Tuhaqtidjutit uvalu akhuurutit	17,220	-	-	17,220
Katimajiit katimadjutimut				
akiliuhianga	10,903	-	-	10,903
Qullangnaujautit	2,585	-	-	2,585
Avatqudjutit maniqarviuplu				
akiliqtitait	2,142	-	-	2,142
Havagvingmi auladjutikhanullu	7,230	-	-	7,230
Ajuittiaqhimajunun akiligakhat	60,882	27,525	-	88,407
Pinahuarutit atuqtakhat				
tamajallu	35,326	-	-	35,326
Havaakhanut akiliqtakhat	-	-	244,047	244,047
Iglumik Atuqtaminik Akikhaa	31,179	-	-	31,179
Manikhauhit maniktakhatlu	315,674	-	-	315,674
Tuhaqtidjutikhanun	10,139	-	-	10,139
Numiktirinikkut kivgaqtuutit				
uvalu tamajat	1,350	-	-	1,350
Tingmidjutit	<u>17,485</u>	<u>-</u>	<u>16,405</u>	<u>33,890</u>
	<u>512,115</u>	<u>27,525</u>	<u>260,452</u>	<u>800,092</u>
Avatquhimadjutaa				
Akiliktakhanun uumanga				
Maniliurutit	\$ (64,025)	\$ -	\$ (10,452)	\$ (74,477)



QULLIIT NUNAVUT ARNAIT QANURILINGANNINUT KATIMAJIIT



987B Iglulik Dr.
Iqaluit NU X0A 3H0



867-979-6690



projects@qnswh.ca



www.qnswh.ca



www.facebook.com/
Qulliit



@Qulliit



@QNSWC